

<<Կապանի N2 ավագ դպրոց>> ՊՈԱԿ

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Արժեքային համակարգի ձևավորումը սովորողների մեջ հայոց լեզվի և գրականության դասավանդման ընթացքում

Դպրոց՝ <<Ագարակի միջնակարգ դպրոց>> ՊՈԱԿ

Ուսուցչուհի՝ Սաթիկ Ասատրյան

Ղեկավար՝ Լուսինե Գրիգորյան

Կապան 2023

ԲՈՎԱՆԴԱԿՈՒԹՅՈՒՆ

1. Ներածություն----- 3
2. Արժեքային համակարգի ձևավորումը սովորողների մեջ առարկայի
դասավանդման ընթացքում-----5
3. Մեթոդական մաս-----13
4. Եզրակացություն-----17
5. Օգտագործված գրականության ցանկ-----18

ՆԵՐԱԾՈՒԹՅՈՒՆ

Կրթության հենքը և գլխավոր իմաստը պետք է դառնա արժեհամակարգի ձևավորումը:

Մեր երկրում աշակերտների արժեքային համակարգի ձևավորումը ներառված է ՀՀ պետական չափորոշչում՝ որպես հենց կրթության բովանդակային բաղադրիչ: Յուրաքանչյուր ուսումնական առարկայի մասով սովորողների պատրաստվածությունը ներկայացվող գիտելիքների պահանջների մեջ նշվում են արժեքները, որոնք պետք է տա դպրոցը:

Յուրաքանչյուր սերնդի արժեհամակարգ ձևավորվում է նոր պահանջմունքների, նոր մեթոդների հիման վրա: Դա պարտադրվում է հենց այդ սերնդի կողմից: Մանկավարժական և փիլիսոփայական եզրույթների բացատրությունները՝ կապված արժեք, արժեհամակարգ, բարոյականություն և նման բովանդակություն ունեցող բառերի հետ, մնում են անփոփոխ: Սակայն դրանց հասնելու և դրանք ձևավորելու համար յուրաքանչյուր ուսուցիչ պետք է կարողանա շարժվել հենց այդ ժամանակի թելադրանքով՝ ժամանակի ու սերնդի փոփոխությունից ոչ թե դժգոհելով, այլ այն դարձնելով մեթոդական գեներ:

Նոր ժամանակներում, երբ աշխարհը կարծես թե վերաբարտեզագրման փուլում է, և պատերազմները, համաճարակները, առհասարակ բոլոր աղետները վերահամոզում են մեզ, որ մարդկային ռեսուրսը աշխարհում ամենակարևորն է, մարդու արժեհամակարգի ձևավորումը առաջնային է դառնում, քանի որ միայն այդպես կարող է հաղթել ու հաղթահարել գոյության կռվի փորձությունները:

Հայաստանի Հանրապետությունն այսօր էլ կանգնած է լինել-չլինելու կռվի առջև: Ուստի օրհասական ու գերառաջնային է ունենալ բարոյական բարձր արժեհամակարգ ունեցող քաղաքացի:

Հայ գրականության ուսուցչի ուսորին դրված է բեռան հսկայական ծավալ: Ինչու^օ. սա այն առարկան է, որը լայն հնարավորություններ է ընձեռում քննարկելու,

վերլուծելու, մեկնաբանելու, բանավիճելու տարբեր ժամանակների իրական և գեղարվեստական տարբեր հերոսների և նրանց արարքների շուրջ:

Թեմայի արդիականությունը: Կրթական բարեփոխումների շրջափուլում պատերազմական դրության մեջ հայտնված պետության համար խիստ կարևոր է դպրոցի դերը՝ որպես բարձր արժեհամակարգով քաղաքացի կերտող կառույց:

Անհրաժեշտ է սովորողի մեջ ձևավորել և զարգացնել իր ազգին բնորոշ բարոյական և հոգևոր արժեքներ:

Աշխատանքի նպատակները.

- կիրառել մեթոդական հնարներ, ուսուցման ժամանակակից մեթոդներ սովորողների մոտիվացիան բարձրացնելու համար:
- ուսումնասիրել և ներկայացնել սովորողների մեջ արժեքային համակարգի ձևավորումը հայոց լեզվի և գրականության դասաժամերին որևէ թեմայի ուսուցման օրինակով:
- գտնել լավագույն լուծումները նպատակին հասնելու համար:

Նպատակներին հասնելու համար աշխատանքում առաջադրվել են հետևյալ **խնդիրները.**

- Պարզաբանել արժեքային համակարգի դերը դասաժամերին:
- Վերլուծել հիմնախնդրի վերաբերյալ մասնագիտական գրականություն:
- Ներկայացվող նյութը արդունավետ օգտագործել՝ աշակերտի մեջ ձևավորելով արժեհամակարգին բնորոշ հատկանիշները:
- Լուսաբանել արժեքային համակարգի ձևավորման գործընթացը և յուրացումը:
- Օգտագործել ճիշտ ընտրված ուսումնական մեթոդներ՝ դասի դաստիարակչական մասը ապահովելու համար:

**Արժեքային համակարգի ձևավորումը սովորողների մեջ առարկայի
դասավանդման ընթացքում**

«Հայոց լեզու» և «Հայ գրականություն» առարկաների դերը, ինչպես հումանիտար շատ առարկաների, արժեհամակարգի ձևավորման և նրա կայունության համար հանրակրթական բնագավառում անփոխարինելի նշանակություն ունի:

Գրականությունը բովանդակում է դաստիարակչական մեծ ներուժ, հայրենասիրություն և ազգային արժանապատիվ գոյություն: Չէ՞ որ գրականության իմացությունն առավելագույնս հնարավորություն է տալիս իրականացնելու մեր իդեալը, ձևավորելու և պահպանելու հայի կերպարը:

Սխալված չենք լինի եթե առձանագրենք, որ հիմա և միշտ մեզ համար արժեքների բուրգի գագաթին գտնվող ամենամլիրական և մեծագույն արժեքը հայրենասիրությունն է, որը լավագույն կերպով մատուցվում է հայ գրականության դասերի ժամանակ:

Կրելով վերը նշված և այլ հանգամանքների ներգործությունը, ընտրությամբ յուրացնելով դրանց ազդեցությունը՝ աշակերտը հաղորդակցվում է հասարակական մշակույթին և ձևավորվում իբրև ստեղծագործական անհատականություն: Ընդ որում՝ կրթական տարբեր աստիճաններում աշակերտն ունենում է աշխարհի նկատմամբ վերաբերմունքի տարբեր դրսևորումներ և հարաբերություններ: Վերաբերմունքն աշխարհի նկատմամբ և հարաբերությունը աշխարհի հետ, վերաբերմունք սեփական անձի նկատմամբ և հարաբերությունն ինքն իր հետ իրականացվում են հասարակական դաստիարակության համակարգի (ուսումնական հաստատություններ, հասարակական, պետական, խորհրդակցական մարմիններ, մանկապատանեկան կառույցներ, այլ) և տեղեկատվական տեխնոլոգիաների (հեռուստատեսություն, համացանցային լրատվական միջոցներ, մամուլ) միջոցով: Կինոն, թատրոնը, հեռուստատեսությունը, համացանցը ներգործում են աշակերտի անձի վրա ոչ

միայն ինքնին՝ որպես տեղեկատվության աղբյուրներ, այլ նաև որոշակի տիպարների միջոցով, որոնք դրսևորվում են այդ «տեղեկատվական աղբյուրներից հոսող» հերոսների վարքագծում: Աշակերտները, իրենց տարիքային, սեռական և անհատական առանձնահատկություններին համապատասխան, հակված են նույնացնել իրենց այս կամ այն հերոսի հետ՝ յուրացնելով նրանց վարքի ձևերը, ապրելակերպը, հագուստը, կենցաղը, կյանքի ոճը և այլն:

Աշակերտի արժեքների ձևավորման վրա ազդող գործոններից են **ավանդական միջոցները**, այսինքն՝ աշակերտի մեջ աշխարհի նկատմամբ վերաբերմունքի և հասարակության հետ հարաբերության, սեփական անձի նկատմամբ վերաբերմունքի ձևավորումը ընտանիքի և սոցիալական միջավայրի միջոցով: Սակայն սովորողների կողմից այդ միջավայրին բնորոշ արժեքների, կանոնների, չափանիշների, հայացքների յուրացումը միշտ չէ, որ համապատասխանում է հասարակության կողմից ընդունված արժեքներին և խրախուսելի չափանիշներին: Ավանդական միջոցների յուրացումը լինում է չգիտակցված՝ վարքի ընդունված կադապարներն ընդօրինակելու միջոցով:

Աշակերտի արժեքների ձևավորման վրա ազդող մյուս գործոնը **տարիքայինն** է, երբ սովորողի արժեքային կողմնորոշումները, արժեքային նախապատվությունները, վարքն ու բարոյահոգեբանական գծերը դրսևորվում են՝ ըստ տարիքային և կազմաբնախոսական առանձնահատկությունների: Արտաքուստ արժեհամակարգային դաստիարակության առանցքը դրսևորվում է աշակերտի վարքի ու շփման հարաբերությունների որոշակի մակարդակում՝ խոսքում, արտաքին տեսքում, ազատ ժամանակն անցկացնելու ձևում, ապրելակերպում և այլն: Տարիքային դաստիարակությանը բնորոշ են հակումը դեպի մշակույթի որոշակի շերտերը, կենցաղին բնորոշ արժեքների որոշակի աստիճանակարգությունը: Սովորողի անձի արժեքների ձևավորման վրա ազդող մյուս գործոնը **միջանձնային** հարաբերություններն են կամ իրենց համար հեղինակավոր, երևելի մարդկանց հետ շփումները (ծնողներ, ուսուցիչներ, մեծահասակներ, ընկերներ և այլն): Բնական է, որ այդ հեղինակավոր անձինք կարող են լինել նաև աշակերտի վրա ներգործող հասարակական այս կամ այն

կազմակերպությունների անդամները, դպրոցի տնօրենը, դասուցիչը, ուսուցիչը և այլն: Աշակերտը նրանցից կարող է ստանալ արժեքների վերաբերյալ ինչպես դրական մոդելներ, այդպես նաև բացասական: Պետք է խոստովանել, որ բացասական մոդելները հակում ունեն ձևավորվելու ավելի արագ և անդառնալի բացասական ազդեցություն կարող են ունենալ սովորողի անձի արժեքային ճիշտ դաստիարակության վրա: Հետևաբար արժեքների դաստիարակության այս բնագավառը պահանջում է մանկավարժական խստագույն վերահսկողություն և ըստ հարկի՝ նաև միջամտություն:

Աշակերտի արժեքների ձևավորման խնդիրները լուծվում են ոչ միայն ընտանիքում, այլ նաև ուսումնական հաստատություններում՝ ուսումնադաստիարակչական գործընթացի միջոցով: Ուսուցման դաստիարակչական ներգործությունը օբյեկտիվ օրինաչափություն է, որովհետև աշակերտների համար ուսուցումը գործունեության հիմնական տեսակն է, դրա համար էլ այն կարևոր դեր է կատարում նրանց անձի ձևավորման գործում: Ուսուցման գործընթացի դաստիարակչական ներգործության հարուստ աղբյուր է բուն գործընթացի բովանդակությունը, որովհետև ընտրելով դաստիարակչական առումով հիմնական գաղափարները, օրենքները և հասկացությունները՝ ուսուցիչը հնարավորություն է ստանում առարկայական ծրագրերի բովանդակության յուրացման միջոցով աշակերտների մեջ սերմանել քաղաքական, իրավական, բարոյական, գեղագիտական, բնապահպանական և այլ գիտելիքներ ու վերաբերմունք: Կրթության բովանդակության հետ միասին ուսուցման մեթոդները ներգործում են աշակերտների ճանաչողական ունակությունների վրա՝ նրանց հնարավորություն տալով ստացած գիտելիքները կյանքում օգտագործելու ըստ նպատակի:

Արժեքային համակարգի ձևավորումը կարևորվում է նաև այն պատճառով, որ որոշակի արժեքային համակարգի հենքի վրա կառուցված գործողությունները ճանաչելի են և հետևաբար ընդունելի, քանզի դրանք սկիզբ են առնում ազգային, համամարդկային համընդհանուր սկզբունքներից, նորմերից և օրենքներից: Այս

տեսանկյունից դիտարկելիս կարևոր է անհատ-քաղաքացու արժեհամակարգի ձևավորումը:

Իսկ ինչպիսի՞ արժեքային համակարգ ենք ուզում ունենալ հանրակրթական դպրոցում: Կրթությունը մարդակենտրոն գործընթաց է, ազգի հիմքը կրթությունն է և ցանկացած լավ, բարի ու արժեքավոր բան, հենց կրթության միջոցով է, որ փոխանցվում է մարդկանց, տարածվում հասարակության մեջ, դաստիարակում մատաղ սերնդին: Եվ այդ ամենը կատարվում է հենց կրթության միջոցով ու կրթության ֆոնի վրա: Կրթության առանցքը արժեհամակարգն է: Այն հիմքերի հիմքն է: Կարծում ենք, որ ցանկացած մարդու համար արժեքային համակարգն այն է, ինչ այդ մարդն ինքն իր համար արժեք է համարում: Մանկավարժը, ուսուցիչը պետք է սեփական օրինակով դաստիարակեն սանին, օրինակ ծառայեն, քանի որ օրինակի ուժը գորեղ է:

Կրթության ողնաշարը, կրթության առանցքը արժեհամակարգն է: Արժեքային համակարգի չափանիշները սահմանում են, որ դպրոցն ավարտող յուրաքանչյուր աշակերտ պետք է

- լինի հայրենասեր, օրինապահ, ազնիվ, մարդասեր, պատասխանատվությամբ օժտված, նախաձեռնող ու հասարակական գործուն դիրքորոշում ունեցող քաղաքացի,
- ունենա ազգային ինքնագիտակցություն,
- գիտակցի իր ժողովրդի նյութական և հոգևոր արժեքները պահպանելու անհրաժեշտությունը,
- գնահատի իր ժողովրդի արժեքներն ու ավանդույթները:

Արդյունավետ ուսուցում կազմակերպելու հիմնական խնդիրներից մեկն այն է, որ ուսումնական գործընթացում ակտիվ մասնակցություն ունենան բոլոր աշակերտները, և ոչ թե նրանց մի մասը: Իսկ դա ինքնաբերաբար լինել չի կարող, և անհրաժեշտ է, որ ուսուցիչը դասավանդման ընթացքում ստեղծի համապատասխան իրադրություն և ապահովի անհրաժեշտ պայմաններ: Անհրաժեշտ պայմաններից մեկը, թերևս առաջնայինը, այն է, որ ստեղծվեն այնպիսի դրական շարժառիթներ և բարենպաստ դրդապատճառներ, որոնք

աշակերտներին կմղեն ուսումնական գործունեության: Իսկ այդ դրդապատճառները բացահայտելու համար պետք է օգտագործել թեմայի և յուրաքանչյուր դասի կրթական ներուժը:

21-րդ դարի դպրոցում դաստիարակության և կրթական գործընթացի ճիշտ կազմակերպման համար շատ կարևոր են ոչ միայն համամարդկային, այլև հայրենի մշակույթի բարձրարժեք ստեղծագործությունների ուսումնասիրումն ու ուսուցումը: Այդ ստեղծագործություններում արտահայտված են մեր ժողովրդի հոգեկերտվածքը, աշխարհընկալումը, մարդասիրական գաղափարներն ու գալիքի երազանքները:

Սովորողների անձի արժեքների ձևավորման համակարգում կարևոր նշանակություն ունեն ուսուցանվող նյութերը: Շրջանավարտի արժեհամակարգի զարգացման առումով հանրակրթության մեջ ուրույն նշանակություն ունեն ստեղծված համաշխարհային նշանակության գրական կոթողները, որոնք ունեն սերունդ կրթելու և մարդկային հատկանիշներով նրանց դաստիարակելու հսկայական ներուժ: Ահա թե ինչու հանրակրթական դպրոցում **լեզվի և գրականության** դասավանդումը դուրս է գալիս սոսկ մշակույթ ուսուցանելու նեղ շրջանակից և վերածվում է սովորողների գեղագիտական, բարոյական, հոգևոր արժեհամակարգը ձևավորելու մի միջոցի, որի դերը չափազանց մեծ է:

Արժեհամակարգը ձևավորվում է **գրականության դասընթացում**, որտեղ կա աշակերտի համար անձնային նշանակություն ունեցող և ստեղծագործական համագործակցության մթնոլորտ: Արժեհամակարգը ենթադրում է կայուն ընտրովի վերաբերմունք աշխարհի և կյանքի հանդեպ :

Ինչպես վերևում նշվեց, արժեհամակարգի բուրգի գագաթին գտնվող մեծագույն արժեքը հայրենասիրությունն է: Հայ գրականության մեջ շատ են այնպիսի ստեղծագործություններ, որոնք հայրենասիրական դասեր են տալիս հետագա սերունդներին, և մեր պարտքն է այդ ամենը սովորողներին փոխանցել գրականության դասաժամերին:

Հայրենասիրությունը վառ կերպով արտահայտվել է մեր նշանավոր գրողների՝ Մուրացանի, Բաբայանի և Գ. Դեմիրճյանի պատմական վեպերում, որոնք իրենց մեջ ներառում են արժեհամակարգի դրսևորման ամբողջություն:

«Պատմական ստեղծագործություններում դու ես ընտրում քո ժամանակն ու հերոսներին, իսկ ժամանակակից թեման ինքն է պարտադրում իր պահանջները: Ներկան միշտ էլ իր վերջնական գնահատականը ստանում է անցյալ դառնալուց հետո»:¹ Այս պատավիպասանները գրական նույն հնարին են դիմել: Պատմական ծանր ժամանակներում փորփրել են անցյալը, գտել հերոսական դրվագ և ներկայացրել որպես օրինակ: Ցույց են տվել անցյալի սխալները, պարտության հետևանքները, հաղթանակի հասնելու լծակներն ու ճանապարհները:

Այդ ստեղծագործություններն ընդգրկված են ավագ դպրոցի հայ գրականության ծրագրում:

Մեր հետազոտական աշխատանքում կանդրադառնանք Մուրացանի «Գևորգ Մարգալետունի» պատմավեպի ուսուցմանը:

Ինչու՞ հատկապես այս պատմավեպը:

Մուրացանի «Գևորգ Մարգալետունի» պատմավեպը հայրենասիրության արտահայտման վառ օրինակ է, որտեղ առկա է հայրենասիրական մեծ շունչ ու ոգի: Գլխավոր հերոսի՝ Գևորգ Մարգալետունու համար հայրենասիրությունը ամենաբարձր արժեքն է, որը ինքն անվանում է «անձնականը ընդհանուրին զոհելու քաջություն»: Պատմավեպում ոչ ոք այնքան ծանր չէր վերապրում հայրենական ողբերգությունը, որքան Մարգալետունին: Եվ պատահական չէ, որ նա ապագա սերունդներին կտակում է մարդկային առաքիությունը կազմավորող երեք կարևոր պատգամ, որոնք խորհրդանշում են հայրենիքի գոյության ու հզորության հիմքը՝ Անձնագոհություն, Միություն, Ընտանիք: Գլխավոր հերոսի համար առանձնահատուկ արժեք է համարվում նաև ընտանիքը, և նրա ուխտն էր չվերադառնալ ընտանիքի գիրկը, քանի դեռ վերջին հազարացին չի հալածվել երկրի սահմաններից:

¹ Գրական թերթ, 1985, թիվ 16, էջ 16:

Մուրացանը, իր ընթերցողներին հայրենասիրություն ու խիզախություն է ուսուցանում: Հենց դա է ստեղծագործության հիմնական գաղափարն ու իմաստը: Բացի այդ հեղինակը վեպի միջոցով հաղորդում է իր անծայրածիր սերը հայրենիքի նկատմամբ:

Ստեղծագործության բովանդակությունը կարծես յուրօրինակ պատգամ լինի երիտասարդ սերունդներին, ովքեր պետք է դաստիարակվեն գրքի դրական հերոսների նման: Այս ստեղծագործությամբ, և հատկապես Մարգալետունու կերպարով սովորողների մեջ պետք է ձևավորվի սեփական հայրենիքը սիրելու զգացողություն, և նրանցից յուրաքանչյուրի համար պետք է հայրենիքի պաշտպանությունը լինի սուրբ և նվիրական գործ:

«Հսկայական ջանքեր են պետք գտնելու այն իդեալ հերոսին, որի օրինակը կարող էր վարակիչ լինել, արժանի հետնորդներ ունենալ»²: Այնպիսի ժամանակներում ենք ապրում, որ հենց այդ առաքյալի կարիքը կա: Մուրացանը երկար փնտրեց այդ հերոսին տարբեր ստեղծագործություններում, վերջապես գտավ պատմավեպում: Հիմա մենք էլ կարծես փնտրումների մեջ ենք: Մեզնից ամեն մեկը կարող է դառնալ այդ առաքյալը: Այսօր ամեն մեկը պարտավոր է հաղթահարել սեփական եսը հանուն ընդհանուրի շահի. «Մարգալետունին անձնավորում է հայրենասերի այն իդեալը, որն ինքն անվանում է անձնականը ընդհանուրին զոհելու քաջություն»³:

Պատերազմը պարտված երկրում պարտավոր ենք աշակերտների մեջ կոտորված իդեալները վերակառուցել, անկումից հետո բարձրացնել, ցույց տալ, որ ինչ էլ լինի, դարձյալ պետք է ոտքի կանգնել՝ «... հաղթահարելով անձնական փլուզման վախը, անկումները և տեղ հասցնել ուժը, ոգին՝ թաքնված պատմության ծալքերում, որ պահել ու պահելու է մեզ»⁴: Պատմությունը որքան էլ դառը փորձով է հարուստ, նույնքան էլ հազեցած է դասերով: Գլխավորներից է գտնել ոգին, որ ստիպելու է պայքարել:

² Լ. Գալստյան, Վարդան Գրիգորյանի պատմավիպասանությունը, Երևան 2003, էջ 7:

³ Ս. Սարիկյան, Մուրացան, Երևան, 1976, էջ 327:

⁴ Գրական թերթ, 1990, թիվ 52, էջ 25:

Ըստ գրականագետ Սարինյանի. «Մուրացանի հերոսը ոչ թե հայրենասեր-քաղաքացին է, այլ բարոյական մարդը»⁵: Սա նշանակում է, որ այս պատմավեպի աշխարհագրությունը չի նեղանում միայն Հայաստանի տարածքային սահմանում և կոնկրետ ժամանակաշրջանում: Սա նշանակում է, որ այն դաստիարակում է առողջ մտածողությամբ, հասուն գիտակցությամբ, պատասխանատու ու բարոյական քաղաքացի:

⁵ Ս. Սարինյան, Մուրացան, Երևան, 1976, էջ 326:

Մուրացանի «Գևորգ Մարգպետունի» պատմավեպի ուսուցումը:

Դասի նպատակն է վեպի ուսումնասիրմամբ և վերլուծմամբ սովորողների մոտ որպես բարձրագույն արժեքներ ձևավորել հայրենասիրություն և անձնվիրություն:

Թեմայի ուսուցման արդյունքում կունենաք հետևյալ վերջնարդյունքերը. սովորողները

- կկարողանան վերլուծել կերպարները,
- կկարողանան մեկնաբանել իրենց կարծիքը,
- կձևավորվի քննադատական մտածողություն,
- կձևավորվի ճիշտ պատկերացում արժեքային համակարգի վերաբերյալ:

Համագործակցելով «Հասարակագիտություն» առարկայի ուսուցչի հետ՝ գրականության ուսուցիչը ստեղծում է միջառարկայական կապ: Այսպես՝ «Հասարակագիտություն» առարկայի շրջանակում 8-րդ դասարանում աշակերտները ծանոթանում են «ազատություն» և «պատասխանատվություն»⁶ երևույթներին, որոնք՝ որպես գաղափար, հստակ ընդգծված են «Գևորգ Մարգպետունի» պատմավեպում: 10-րդ դասարանում աշակերտները նույն առարկայի դասընթացի ժամանակ ուսումնասիրում են «բարոյական կշռադատումները» և «բարոյական երկընտրանքները»⁷: Հասարակագիտության ուսուցչի հետ քննարկելով այս երևույթների փիլիսոփայական և գիտական մեկնաբանությունները, որոնք անմիջականորեն կապված են վեպի գաղափարների, հերոսների հոգեբանական վերլուծությունների հետ, ավելի պատրաստված են լինում գրականության դասի քննարկմանը:

⁶ Ա. Գյուլբուղադյան, Կ. Հարությունյան, Տ. Թովմասյան, Հասարակագիտություն 8-րդ դասարան, Երևան, 2013, էջ 59, 90:

⁷ Ս. Պետրոսյան, Ս. Խաչատրյան, Հ. Խաչատրյան, Կ. վարդանյան, Կ. Աղաջանյան, Հասարակագիտություն 10-րդ դասարան, Երևան, 2009, էջ 81, 84:

Դասի ընթացքը:

Դասը կկառուցենք ԽԻԿ համակարգի միջոցով⁸:

Խթանման փուլ:

Ուսուցիչը, օգտվելով նորագույն տեխնոլոգիաների հնարավորությունից, աշակերտներին հիշեցնում է պատմավեպի հետ կապված մի շարք տեղեկություններ. միացնում է «Գևորգ Մարգալետունի» թեմայով տեսադասից մի հատված⁹:


Գրատախտակի կենտրոնում «գաղափարների գծագրում»¹⁰ մեթոդի նմանությամբ գրում է «արժեք» բառը և սովորողներին հարցնում, թե ինչ արժեքներ գիտեն: Նրանք թվարկում են մի քանիսը, իսկ նրանցից մեկը գրատախտակին գրում է դրանք: Այնուհետև հանձնարարվում է գրված արժեքներից առանձնացնել և ընդգծել նրանք, որոնց հանդիպում են պատմավեպում: Ապա հանձնարարվում է հիշել դեպքեր կամ իրավիճակներ, որտեղ իրենք հանդիպել են այդ արժեքներին:

⁸ Այն խիստ արդյունավետ ձև է դասը ճիշտ պլանավորելու և արդյունավետ ներկայացնելու համար: Այս համակարգի կիրառումը հնարավորություն է ընձեռում իրականացնելու ուսումնական տարբեր գործողություններ, որոնք էլ իրենց հերթին օգնում են ուսուցչին ուղղորդելու սովորողին, ակտիվացնելու նրանց մտածողությունը, արդյունավետ քննարկումներ ծավալելու և այլն: Ն. Տոդանյան, Հ. Խաչատրյան, Գրականություն 7, Մեթոդական ձեռնարկ, Երևան, 2008, էջ 3:

⁹ Youtube.com/watch?v=CgA-t6XQvwY

¹⁰ «Գաղափարի գծագրի կազմում» (խմբավորում)

Առանձին թղթի կենտրոնում գրվում է թեմայի վերնագիրը, առանցքային բառը, նախադասությունը կամ հասկացությունը և վերցվում շրջանակի մեջ: Կենտրոնից առանձին գծիկներով առանձնացվում են կենտրոնական մտքից բխող գաղափարները.... »: Ն. Տոդանյան, Հ. Խաչատրյան, Գրականություն 7, Մեթոդական ձեռնարկ, Երևան, 2008, էջ 83:



Իմաստի ընկալման փուլ:

Այս փուլում աշակերտները, օգտվելով բնագրից, դասագրքային վերլուծություններից, քննարկելու են պատմավեպը, հայտնեն սեփական կարծիքը, վերլուծեն, հիմնավորեն իրենց մտեցումները¹¹:

Ուսուցիչը դասարանը բաժանում է խմբերի: Յուրաքանչյուր խմբի տրվում է պատմավեպից մեկ վերնագիր: Նրանք, արդեն կարդացած լինելով վեպը և ծանոթ լինելով հատվածի բովանդակությանը, պետք է հիմնավորեն այդ գլխի վերնագիրը, նրանում երևացող գլխավոր գաղափարը, ներկայացված արժեքը:

Առաջարկվող վերնագրերը կարող են լինել հետևյալները.

- ❖ «Կույր վրիժառուն»,
- ❖ «Կույր աչքը կներե, կույր սիրտը չի ներիլ»,
- ❖ «Բյուրականի առումը»,
- ❖ «Մի ծաղկով գարուն»,
- ❖ «Դվնո առումը»:

¹¹ Խիստ կարևորվում է այն, որ սովորողները նյութը յուրացնեն ոչ միայն այն լսելով, դիտելով, մտապահելով, անգիր վերարտադրելով, այլև՝ մասնակցելով, մտածելով, հաղորդակցվելով, հարցնելով, բանավիճելով, ինքնուրույն մտքեր հայտնելով և այլն: Ն. Տոդանյան, Հ. Խաչատրյան, Գրականություն 7, Մեթոդական ձեռնարկ, Երևան, 2008, էջ 5:

Կշռադատման փուլ:

Ուսուցիչը աշակերտների հետ մփոփվում է դասը, և գրականության տեսրերում արձանագրում են պատմավեպի սովորեցրած գլխավոր արժեքները, ինչպես, օրինակ, անձնագոհություն, ընտանիք, միություն, հայրենասիրություն, պետական մտածողություն...:

Հանձնարարվում է տնային առաջադրանք:

Պատմել պատմավեպից որևէ դեպք նախընտրած հերոսի անունից առաջին դեմքով:

Եզրակացություններ

- Արժեքային համակարգի ձևավորումը սովորողների մեջ հայոց լեզվի և գրականության դասաժամերին առաջնահերթություն է՝ հատկապես պայմանավորված մեր պետության աշխարհաքաղաքական և ներքին խնդիրներով:
- Նյութի յուրացմանը նպաստում են միջառարկայական կապերը, որոնք օգնում են թեմայի ամբողջական ու խորքային յուրացմանը:
- Համեմատելով մեր օրերի հետ, ցույց տալով թեմայի արդիականությունը՝ բարձրանում է սովորողների սովորելու մոտիվացիան և ուսուցման արդյունավետությունը:
- Բարձր արժեհամակարգ ձևավորելու համար արդյունավետ եղանակներից է պատմավեպերի ուսուցումը:
- Կարևոր բաղադրիչ է աշակերտակենտրոն ուսուցումը, ինչը հնարավորություն է տալիս սովորողներին վերլուծել, մեկնաբանել, համապատասխան եզրահանգումների գալ:

ԳՐԱԿԱՆՈՒԹՅԱՆ ՑԱՆԿ

Գրքեր

1. Ա. Գյուլբուդադյան, Կ. Հարությունյան, Տ. Թովմասյան, Հասարակագիտություն 8-րդ դասարան, Երևան, 2013:
2. Լ. Գալստյան, Վարդան Գրիգորյանի պատմավիպասանությունը, Երևան 2003:
3. Ս. Պետրոսյան, Ս. Խաչատրյան, Հ. Խաչատրյան, Կ. վարդանյան, Կ. Աղաջանյան, Հասարակագիտություն 10-րդ դասարան, Երևան, 2009:
4. Ս. Սարինյան, Մուրացան, Երևան, 1976:
5. Ն. Տոդանյան, Հ. Խաչատրյան, Գրականություն 7, Մեթոդական ձեռնարկ, Երևան, 2008:

Թերթեր

6. Գրական թերթ, 1985, թիվ 16:
7. Գրական թերթ, 1990, թիվ 52:

Համացանց

8. Youtube.com/watch?v=CgA-t6XQvwY

Հավելված

Օրվա դասի պլան - 1

Ուսուցիչ՝ Սաթիկ Ասատրյան

Առարկա	Գրականություն
Դասարան /աշակերտների քանակը՝24/	10-րդ բ
Բաժին	«Սասնա ծռեր» Էպոսը
Դասեր	<p>Դաս 1. Ընդհանուր ակնարկ դյուցազներգության մասին, կառուցվածքն ու ընդհանուր բովանդակությունը</p> <p>Դաս 2. Դյուցազներգությունը՝ որպես բանահյուսական տեսակ, պատմական հիմքը</p> <p>Դաս 3 Էպոսի ճյուղերը</p> <p>Դաս 4. Գլխավոր հերոսները</p> <p>Դաս 5-6 Ամփոփում</p>
Թեմա	Դաս 3. Էպոսի ճյուղերը, բովանդակությունը
Բաժնի նպատակը	<ul style="list-style-type: none"> ● Ծանոթացում մեր ինքնության ակունքներին: ● Գլխավոր գաղափարի ըմբռնում: ● Ազգային արժեքների պատմական, քաղաքական և մշակութային նշանակության ընկալում: ● Էպոսը՝ որպես ժողովրդի համահավաք մտածողության, ձգտումների ու երազանքների արտահայտության ընկալում:
Դասի նպատակը	<ul style="list-style-type: none"> ● Կարողանալ ներկայացնել դյուցազներգության ճյուղերի ամփոփ բովանդակությունը: ● Ներկայացնել դյուցազներգությունը՝ որպես բանահյուսական տեսակ: ● Արժևորել դյուցազներգությունն ու նրանում արժարժված գաղափարները:
Վերջնաարդյունքներ	<ul style="list-style-type: none"> ● Ներկայացնել ճյուղերի բովանդակությունը: ● Վեր հանել հիմնական գաղափարը: ● Ուսումնասիրել պատմական ժամանակաշրջանը: ● Գնահատել փաստարկները:

	<ul style="list-style-type: none"> • Կազմել հիմնական և հարակից գաղափարների աղյուսակ: • Ներկայացնել լեզուն և ոճը:
Ընդհանրական խաչվող հասկացությունները	<p>Ժամանակ և տարածություն</p> <p>Հայրենասիրության և անձնագոհության ընկալումը ժամանակի և տարածության համատեքստում:</p>
Միջառարկայական կապեր	<ul style="list-style-type: none"> • Պատմություն – Հայաստանը 10-րդ դարում /արաբական արշավանքներ/ • Հայոց լեզու – դյուցազներգության լեզուն և ոճը • Արվեստ – նկարչություն, երաժշտություն
Անհրաժեշտ նյութեր, տեխնիկական միջոցներ	Դասագրքեր, համակարգիչ, տեսանյութեր, մարկերներ, կաշուն թերթիկներ, ելքի քարտեր
Ուսուցման մեթոդներ	Մտազրոհ, զրույց, T-աձև աղյուսակ, հասկացությունների քարտեզ, խմբային աշխատանք
Գնահատում	Զևավորող ու միավորային գնահատում
Դասի ընթացքը	<p>Աշակերտների հաշվառում՝ 1-2 թույն</p> <p>Նախորդ նյութի ամփոփում /մուտքի քարտ / 7 թույն</p> <ol style="list-style-type: none"> 1. Նշիր 3 բան, որ հիշում եմ նախորդ դասից: 2. Նշիր 2 բան, որ կարևորում ես: 3. Նշիր 1 բան, որին կուզենայիր այս դասին անդրադառնալ:
Նոր նյութի հաղորդում և ամրապնդում	<p>Ներկայացնել</p> <ul style="list-style-type: none"> • պատմական ժամանակաշրջանը • Էպոսի կառուցվածքը • ճյուղերի բովանդակությունը • արժարժված գաղափարը <p>Կազմել հիմնական և հարակից գաղափարների աղյուսակ /T-աձև աղյուսակ/:</p> <p>Խմբային աշխատանք</p> <p>Յուրաքանչյուր խմբի հանձնարարել ճյուղերից մեկը՝ բնագրի շուրջ քարտային աշխատանք կատարելու համար:</p>

Ամփոփում և գնահատում	Ամրապնդել, ամփոփել և գնահատել
<p>Համեմատաբար պասիվ մասնակցություն ունեցած աշակերտների համար նախատեսված հարցեր</p> <p>Կապը ՀՊԶ-ի հետ</p>	<ul style="list-style-type: none"> • Քանի ճյուղից է բաղկացած դյուցազներգությունը • Ո՞ր ճյուղը ավելի շատ դուր եկավ և ինչու՞: • Ի՞նչ հույզեր ու զգացմունքներ առաջացան դասի ընթացքում: <p>11-1, 11-16, 11-17, 11-34</p>

Օրվա դասի պլան - 2

08.09.2023

ՈՒՍՈՒՑԻՉ՝
ԱՌԱՐԿԱ՝
ԴԱՍԱՐԱՆԸ՝

Ս. Ասատրյան
մայրենի
VI

ԴԱՍԻ ԹԵՄԱՆ՝

Վ. Դավթյանի <<Զվարթնոցի արծիվը>>
բանաստեղծությունը

ԴԱՍԻ ՆՊԱՏԱԿԸ՝

- Չափածո տեքստի սահուն ընթերցանություն, գաղափարական բովանդակության ընկալում, վերարտադրելու կարողության զարգացում
- հայկական ճարտարապետական կառույցների վերաբերյալ գիտելիքների խորացում
- բանաստեղծության մեջ հանդիպող նորածանոթ բառերի ընկալում և կիրառություն
- ազգային արժեքների հանդեպ հարգանքի ձևավորում

ՎԵՐՋՆԱՐԴՅՈՒՆՔ՝

- Արձակ շարադրանքով վերարտադրի բանաստեղծությունը
- Կողմնորոշի բանաստեղծության իմաստային բովանդակության մեջ և կարողանա պատասխանել դասագրքում զետեղված հարցերին
- Թեմայի վերաբերյալ իր կարծիքը արտահայտելու, գաղափարները հաստատելու համար վկայություններ, փաստարկներ օգտագործի՝ կիրառելով խոսքի նկարագրական ոճը
- Խոսքը համառոտագրի՝ կիրառելով համապատասխան կանոններ

ԴԱՍԻ ԸՆԹԱՑՔԸ

Ուսումնական նյութեր՝ դասագիրք, աշխատանքային տետր, համակարգչային նյութեր Զվարթնոցի մասին սահիկահանդես


Ուսումնական մեթոդներ և հնարներ՝ մտքերի տարափ, մտքերի քարտեզագրում, զրույց, հնգյակ, ընդհանրացնող հարցերի աղյուսակ, քառաբաժան :

Կազմակերպական աշխատանքներ, տնային հանձնարարությունների ստուգում, անհասկանալի հարցերի պարզաբանում:

Դասարանը բաժանել 4 խմբերի (աշխատում են արդեն ձևավորված խմբերով):

Խթանման փուլն սկսել <<Մտքերի տարափ>> հնարով: Դիմում ենք դասարանին հետևյալ հարցադրումով. <<Ճարտարապետական ի՞նչ հայտնի կոթողներ գիտեք, որոնք դարձել են Հայաստանի խորհրդանիշը>>: Գրատախտակյին նշում ենք բոլոր պատասխանները, ապա հետևելով էկրանին՝ աշակերտները փորձում են ճանաչել ճարտարապետական հայտնի կոթողները:

Նմուշ՝



Տաթևի վանահամալիր

Մատենադարան

(10

րուպե)

Բնաստի ընկալման փուլ: Չվարթնոցի մասին ողջ տեղեկությունը, որը նախապես հանձնարարված էր սովորել, դասարանը ներկայացնում է ըստ 4 խմբերի՝

I խումբ – Չվարթնոցի տեղագրությունը և անվան ծագումը

II խումբ- Չվարթնոցի պատմությունը

III խումբ – Չվարթնոցի ճարտարապետությունը

IV խումբ- Չվարթնոցի արծվանիշ խոյակները

Այնուհետև ուսուցիչը ներկայացնում է նոր դասը: Աշակերտներից մի քանիսը ընթերցում են բանաստեղծությունը, որից հետո ուսուցիչը հանձնարարում է խմբային աշխատանք՝ երկու փուլերով՝ բառային և տեքստային:

I փուլ

I խումբ – Բառակազմորեն վերլուծել **խոյակ, հրաշագործ, հողմածեծ, սրաթև, արքայական** բառերը:

II խումբ- Բանաստեղծության միջից դուրս գրել **սյուն, որմ, նախշ, արծիվ, գմբեթ, բեկոր** բառերի բնութագրումները:

III խումբ – Բանաստեղծությունից դուրս գրել 10 գրքային բառեր:

IV խումբ- Գտնել **խոյակ, որմ, հողմ, հատել, ճախրել, վաեմ** բառերի հոմանիշները:

II փուլ

I խումբ – Կազմել հնգյակ << Չվարթնոց >> բառով:

II խումբ- Մեկնաբանել բանաստեղծության 4-րդ քառատողը:

III խումբ – Աշխատանք <<Քառաբաժան>> մեթոդով:

IV խումբ- Վերլուծիր բանաստեղծության հանգավորումը ,նշիր բանատողերի վանկերի քանակը:

(25

րոպե)

Կշռադասման փուլ: Չվարթնոցի մասին ստացած գիտելիքների ամփոփման համար հանձնարարվում է լուծել թեմատիկ խաչբառը կամ բանաստեղծության գաղափարական բովանդակության ամփոփիչ վերլուծության համար կարելի է բանավոր լրացնել ուսուցչի ներկայացրած ընդհանրացնող հարցերի աղյուսակը:

Նմուշ՝

1	2	3	4
Ի՞նչ է խորհրդանշում Չվարթնոցի արծիվը:	Չվարթնոցի տաճարի գոյությամբ հայ մարդու հատկանիշներն են դրսևորվում:	Արվեստի մյուս բնագավառներում հայոց հանճարեղ մտքի ի՞նչ դրսևորումներ գիտեք:	Ազգային արժեքների հետ ինչպե՞ս պետք է վարվել:

Կազմակերպվում է գնահատում՝ խրախուսելով և՛ անհատական, և՛ խմբային ջանքերը: Տնային աշխատանքների համար հանձնարարվում է անգիր սովորել բանաստեղծությունը, գրել նամակ սփյուռքահայ ընկերոջը՝ պատմելով նրան Չվարթնոցի մասին:

Կատարվում է անդրադարձ.

- Դասի ընթացքում ի՞նչ նոր բան սովորեցիք:
- Ո՞ր տեղեկությունը կամ փաստը ձեզ վրա տպավորություն գործեց:
- Արդյունավե՞տ է արդյոք խմբային աշխատանքը: (10 րոպե)

Օրվա դասի պլան - 3

Ուսուցիչ – Մ. Ասատրյան

Ամիս, ամսաթիվ - 08.09.2023թ.

Դասարանը – IX^ա

Առարկան - Գրականություն

Դասի թեման – Սայաթ - Նովա

Դասի տիպը - Ամփոփիչ

- Նպատակը -**
1. Ստուգել և գնահատել աշակերտների գիտելիքները
 2. Գնահատել և արժևորել Սայաթ – Նովայի դերը հայ միջնադարյան քնարերգության մեջ
 3. Տաղաչափական արվեստի ներկայացումը

Մեթոդներ – Զրույց , դիտում , հարց ու պատասխան , մտազրոհ , խաչբառ

Ցուցադրական նյութեր - սազ, իլիկ, թանաքաման վրձին, պաստառներ

Օգտագործվող նյութեր - պրոյեկտոր , համակարգիչ

Դասի ընթացքը`

Խթանման փուլ` 1. Սայաթ – Նովայի կենսագրության կարևոր դրվագները / ներկայացնում են աշակերտները /

2. Ստեղծագործությունները / թվարկում են ,
ասմունքում/

Իմաստի ընկալման փուլ

1. Սայաթ – Նովան իբրև սիրերգակ
2. Հարցեր` Ինչպե՞ս է դասավորվել հետագա կյանքը
3. Կնոջ մահից հետո ի՞նչ ճակատագիր ունեցավ

4. Ի՞նչ ավանդություն կարող էք հիշել Սայաթ – Նովայի մասին
5. Բանաստեղծական ի՞նչ տեսակով է ստեղծագործել
6. Ի՞նչ գնահատանքի խոսքեր են հնչել նրա մասին
7. Ի՞նչ լեզուներով է ստեղծագործել
8. Ի՞նչ տոն է նշվում ամեն տարի զարնանը
9. Հետագա ո՞ր գրողներն են ազդվել նրա տաղերի

Կշռադատման փուլ -Խաչբառ ,, Սայաթ – Նովա ,,

Հարցերով անդրադարձ

Գնահատում

Տնային աշխատանք - Զրուցի՛ր Սայաթ – Նովայի հետ